



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Parochorum, Sive Institutiones & Praxes Tum Vitæ, tum Officii Pastoralis

Musart, Charles

Monachii, 1654

IV. Quando, & quomodo sepeliendi mortui.

urn:nbn:de:hbz:466:1-41616

NVM: IV.

Quando sepeliendus mortuus?

Caveant ii, quibus exequiarum, & funeris cura incumbit, ne statim à morte obitâ sepeliant; minùs humanum, aut vrbanum est, corpus exanime mox in sepulchrum proiici, aut humo tegi, & subinde periculosum. Noui puer hominem, qui ex vino combusto largiùs sumpto ita refrixerat, & impalluerat, vt pro mortuo sindoni insuëretur: at cùm primum se acu pungi sensit, corpus mouere cœpit, & paulò post occlamare. Præterea quendam audiui extremo supplicio affectum, cùm obtentâ sacra sepulturâ delatus esset ad locum, repentè se commouisse, & aliquamdiu vixisse. Annales Rectorum huius Vniuersitatis referunt, alium è patibulo à carnifice suspensum, cùm post quinque, vel sex horas, à suspendio delatum cadauer ad Anatomiam in

L

cali-

calido loco depositum, se mouisse, & planè sibi redditum. Ob hanc, opinor, rem, & cuiusdam in mortuum pietatis causâ, alicubi per viginti quatuor horas, alibi saltem per duodecim, defunctorum corpora loco honesto, & à bestiis, quæ infestare possent, securo, asservantur cum cruce, & lumine, nonnullis etiam orantibus. Excusare possunt has moras aliqua nonnunquam causæ: Tu obseruabis receptam tuo loco consuetudinem, & cum opus fuerit aliquâ maturacione, à prudentiâ consilium peres.

Iam quod ad diem, & horam sepulture attinet, non video, quid veteri etiam diebus Dominicis, & Festis, imò die ipso Paschæ mortuos sepeliri, si ratio id exigat, neque propterea celebritas Festi diei impediatur. Die tamen Veneris sancto si sepelias, abstinendum erit à pulsu Campanæ, qui tunc est prohibitus. De nocte priuatim sepelire quibusdam locis prohibent

benr Episcopi; quibus tunc parendum est: nam publica sepultura ritus est Religionis Christianæ, & honor Christiani defuncti, atque immortalitatis animæ publica professio. Consuetudo quibusdam in locis fert, vt Missa, præsentem corpore, ante sepulturam celebretur; eam tu obserua, si apud te recepta est. Non conuenit tamen Festis, præsertim solemnioribus, fieri Missam de Requiem, nisi Missa altera haberi possit de festo.

NVM: V.

De Exequiis, loco sepultura, & functione funebri.

EXequias fieri, & corpus duci honestè, & decenter, sacrosque ritus obseruari, iuxta receptam tuæ Parochiæ consuetudinem, Christianæ pietati consentaneum est. Cauebis autem, ne nouæ consuetudines inducendo funere inducantur; multò etiam magis, ne quid, quod sapiat supersti-

L2

persti-